



Reykjavík, 10. október 2019

Umhverfis- og auðlindaráðuneytið
Skuggasundi 1
150 Reykjavík

Varðar: Drög að reglugerð um skráningarskyldan atvinnurekstur

Í samráðsgátt stjórnarráðsins voru auglýst til umsagnar drög að reglugerð um skráningarskyldan atvinnurekstur og frumvarp til breytinga á lögum um hollustuhætti og mengunarvarnir.

Tekur félagið undir það viðhorf að einfalda þurfi rekstrarumhverfi atvinnurekstrar á Íslandi en lýsir um leið undrun sinni á því að ekki skuli gengið lengra. Þá sérstaklega að áfram skuli gert ráð fyrir því að eftirlit með mengandi starfsemi sé á tveimur stjórnsýslustigum, annars vegar hjá heilbrigðisnefndum sveitarfélaga og hins vegar hjá Umhverfisstofnun.

Er þetta fyrirkomulag óskilvirkt og ætti betur heima í einni stofnun, Umhverfisstofnun, sem gæti þannig eflst og verið með útibú um allt land, sbr Vinnueftirlit Ríkisins, Samgöngustofu, Fiskistofu, Matís o.s.frv.

Hvetur félagið til áræðni og kjarks í þessu sambandi.

Annað atriði sem ekki virðist er tekið á í þessum drögum er rekstur fyrirtækja sem eru með margar starfsstöðvar. Olíudreifing ehf rekur fjölda olíubirgðastöðva um allt land, sem í dag þurfa að vera hver með sitt starfsleyfi. Hvert starfsleyfi hefur sinn gildistíma og eru starfsleyfisaskilyrði þeirra mismunandi eftir því hvenær þau eru gefin út og hver vinnur þau. Er slíkt afar óhentugt og ekki fallið til árangurs.

Eðlilegra væri að fyrirtæki með margar starfsstöðvar í sama rekstri gætu starfað samkvæmt einu starfsleyfi og gætu svo tilkynnt eftirlitsaðila starfsstöðvar sínar, umfang og breytingar eins og reksturinn þróast.

Mikið af eftirliti með starfsstöðvunum er margendurtekning á atriðum, sem hægt er að framkvæma miðlægt, en að sjálfsögðu þarf einnig að fara í eftirlit á vettvangi, sem gæti þannig verið markvissara gagnvart umgengni, útfærslu og framkvæmd þeirra mengunarvarna sem eru á hverjum stað, í samræmi við áhættu á hverjum stað.

Ef Umhverfis- og auðlindaráðuneytið hefur spurningar eða óskar eftir frekari skýringum á þeim atriðum sem hér eru talin að framan eða öðrum er viðvíkja málinu er undirritaður meira en reiðubúinn að verða við því.

Virðingarfyllst,
f.h. Olíudreifingar ehf.


Gestur Guðjónsson

Olíudreifing ehf

Pósthólf 4230 · 128 Reykjavík · Sími 550 9900 · Fax 550 9999